



Տ. ՆԵՐՍԵՍ ԱՐՔԵՊՍ. ՊՈԶԱՊԱԼՅԱՆԻ ՔԱՐՈԶԸ (Հուլիսի 2-ին)

«Յանուն Հօր եւ Որդոյ եւ Հոգւոյն Սրբոյ» ամէն:

«Քրիստոս Աստուած մեր, շնորհեա մեզ ընդ Պետրոսի և ընդ որդոց Զեքեթեայ, արժանաւորիլ քում աստուածային տեսեալնդ» (շարականոց):

Սրբազան շարականագիրը Վարդավառի տոնի առթիւ այսպիսի տողերով է նկարագրում իր ներքին ցանկությունը և իղձը՝ արժանի դառնալու Քրիստոսի Պայծառակերպության տեսիլքին, ասելով. «Քրիստոս Աստուած մեր, Պետրոսի և Զեքեթեայ որդիների նման մեզ ևս արժանացրու աստվածային տեսիլքիդ»:

Սիրելի հավատացյալներ, այսօր Վարդավառ է, մեր հին հայկական հեթանոսական տոնը: Այդ տոնի առթիւ հեթանոս մեր նախահայրերը հավաքվում էին՝ տոնախմբելու համար Նոր տարվա՝ Նավասարդի մեկի հիշատակը Աշտիշատում, Իննակնյան կոչվող շրջանում ևս այնտեղ, խաչ Նոր տարվա տոնախմբության օրը, վարդ և ծաղիկ էին նետում իրար վրա, աղավնիներ և տատրակներ արձակում երկինք, աղբյուրներից զուլալ, զովացնող ջուր էին շաղ տալիս իրար վրա ու մաղթում, որ հայոց Նոր տարին՝ Նավասարդի մեկը, լինէր երջանիկ սկիզբ մի նոր տարվա: Մեր հեթանոս հայրերը Իննակնյան սրբարաններում հաշկական աստվածների հույժին զոհեր էին մատուցում, մատաղ անում, ձիարշավներով և զանազան խնդրական պարերով հիշատակում գալուստը Նոր տարվա:

Այդ օրերը պատմություն դարձան և գընացին: Սակայն մեր իմաստուն Սուրբ Գրիգոր Լուսավորիչ Հայրապետը եկավ այդ հեթանոսական տոներից մի նոր՝ քրիստոնեական իմաստ տալու, մի իմաստ, որով հեթանոսական տոնը վերափոխվում էր

պայծառակերպության, Հիսուսի այլակերպության տոնին: Այդպես է, որ հին ժամանակներում, մինչև 551 թվականը մենք Վարդավառի տոնը կատարել ենք օգոստոսի 11-ին: Սակայն Մովսես Բ Եղիվարդեցի Կաթողիկոսի օրվանից, երբ նա հայկական մեր տոմարը վերակազմեց, Վարդավառի տոնը թաժանվեց Աստվածածնի տոնից, որովհետև Աստվածածնի տոնը ևս օգոստոսի 15-ին էր կատարվում, սկսած վաղ ժամանակներից՝ լինելով անշարժ մի տոն: Մովսես Կաթողիկոսը Այլակերպության կամ Վարդավառի տոնը կապեց Զատիկի տոնախմբության հետ, և այժմ այն կատարվում է Զատիկից 14 կիրակի հետո, այսինքն՝ Հոգեգալստից 7 կիրակի անց: Վարդավառը առնչված է Զատիկի հետ 35 օրերի տեղափոխությամբ և տոնվում է՝ Զատիկի հետ ետ ու առաջ շարժվելով:

Սիրելի հավատացյալ ժողովուրդ, ի՞նչ է քրիստոնեական իմաստը Վարդավառի տոնի: Ինչպես քիչ առաջ նշեցի, Այլակերպության կամ Պայծառակերպության տոնն է այդ: Քրիստոս՝ Աստվածորդին, մարմնացավ, մարդկային կերպարանք ստացավ, եկավ աշխարհ և երեսուն տարիքը լրանալուց հետո երեք տարի շարունակ քարոզեց իր ժողովրդի ծոցում, բժշկեց նրանց առականերով և զանազան օրինակներով ցույց տվեց Աստծո սերը մարդկության հանդեպ, օգնության ձեռք երկարեց բոլոր տկարներից, հիվանդներից, նույնիսկ մեռելներից, հարություն տվեց՝ նոր կյանք ու կենդանություն պարգևելով նրանց: Նրա ամբողջ կյանքը զոհողության մի կյանք եղավ. նա տվեց ինքն իրեն սպառվելու աստիճան և խաչի վրա իր անմեղ ու թանկ արյունը թափեց մարդկության մեղքերի քաղության համար՝ սպառնալով դառնալով միջոց ու

պատարագ փրկագործության, որպեսզի մենք իր զոհողությամբ փրկվենք և իր հա-
րությանբ հավիտենական կյանքը կարողա-
նանք ծառանգել: Հիսուս իր քարոզության
վերջին տարում իր աշակերտներից Պետ-
րոսի, Հակոբոսի և Հովհաննեսի հետ բարձ-
րացավ Թաբոր լեռը: Այնտեղ, երբ աշա-
կերտները խոսքով էին տարվել, հանկարծ
Հիսուսի դեմքը արեգակից ավելի պայծա-
ռացավ: Ինչպես Ավետարանն է ասում,
նրա զգեստները այնքան էին փայլում մաք-
րությամբ, որ աշխարհի վրա ոչ մեկ լվա-
ցարար չէր կարող այդպես սպիտակեցնել
շորերը: Պայծառակերպության այդ պահին
աշակերտները ապշած էին ու զարմացած,
մանավանդ երբ նրանք նկատեցին Մով-
սեսին ու Եղիային՝ Հիսուսի աջ ու ձախ
կողմերում կանգնած: Պետրոսը, տեսիլից
այլալված, սկսեց խոսել և գլուխը բարձ-
րացնելով գետնից՝ ասաց. «Վարդապետ,
լավ է, որ մենք այստեղ երեք վրան դնենք,
մեկը քեզ, մյուսը՝ Մովսեսի և երրորդը՝ Ե-
ղիայի համար»: Քիչ հետո սպիտակ մի
ամպ եկավ և Հիսուսին ծածկեց աշակերտ-
ների աչքից: Ամպի միջից Սուրբ Հոգին հե-
տևյալն ասաց. «Սա՛ է իմ Որդին, լսեցե՛ք
նրան»: Ի՞նչ հոյակապ տեսիլք. այդ տե-
սիլքի միջոցով Աստված ինքն իրեն էր բա-
ցահայտում մարդկությանը: Այստեղ մարդ-
կությունը ներկայացնում էին Պետրոսը,
Հակոբոսը և Հովհաննեսը, որոնք իսկապես
ականատես վկաները եղան Թաբոր լեռան
բարձունքին իրենց Վարդապետի պայծա-
ռակերպության: Այդ վարդապետը ճշմար-
տապես Աստված էր՝ աշխարհ իջած, և նը-
րանք վկաները հանդիսացան նրա աստ-
վածային փառքի՝ տեսնելով նրան հայրա-
կան իր փառքի մեջ:

Միրելի հավատացյալներ, մեր կյանքում
կան պահեր հուսահատության, պահեր
փորձության, պահեր աղետի ու չարիքի և
պահեր լավատեսության և բարեգործու-
թյան: Ո՛ր պահն ենք մենք ընտրելու մեր
կյանքում և հետևելու նրան: Չար, սատա-
նայական պահերից մեկը եղավ սոսկալի
աղետը, որ պայթեց մեր ժողովրդի գլխին
անցյալ դեկտեմբերի 7-ին: 40 վայրկյանում
հյուսիսային Հայաստանը քարոքանդ ե-
ղավ, տասնյակ հազարավոր կյանքեր խըլ-
վեցին, բազմաթիվ քաղաքներ ու գյուղեր
կործանվեցին: Եթե այդ 40 վայրկյանը չը-
գար, մենք այսօր կորցրած պիտի չլիներինք
մեր տներն ու շենքերը, մեր որդիներին և
մենք սովորական մեր կյանքը պիտի շա-

րունակեինք խաղաղ ու երջանիկ: Նշանա-
կում է պահը իր իմաստն ունի մեր կյան-
քում. կան չարիքի պահեր և կան բարիքի՝
մարդասիրության, զոհողության ու սիրո
պահեր: Չարիքի պահերը իբրև պատուհաս
հանկարծ հասնում են մարդկանց վրա,
մարդիկ իրենք իրենց են սպանում, երբեմն
նաև իրենց հարազատներին և ուրիշներին:
Այդ պահին վատը կուտակվում է և ներ-
գործում մարդու մեջ: Բայց այն պահը, որ
մեզ ցույց տվեց Քրիստոս իր պայծառա-
կերպությամբ, սիրո, զոհողության, մար-
դասիրության, սրտակցության պահն էր:
Այսօր մենք, իբրև ժողովուրդ և անհատ-
ներ, կարիքն ունենք աշխարհում և դրսում
տարածել երջանկություն և մարդասիրու-
թյուն: Հոգևոր երջանկության պահերից ա-
մենակարևորը մեր Տիրոջ՝ Հիսուսի Պայ-
ծառակերպության պահն է այսօր ձեզ ևս
հայտնվող: Սրբազան շարականագիրը, ո-
րից քիչ առաջ մեջբերում կատարեցի, շա-
րունակում է իր խոսքերը և ասում. «Տե՛ր,
մեզ շնորհիր այդ երջանիկ պահը, որ կա-
րողանանք մեր մարմինները մաքրել և
պատրաստել քեզ համար, որպեսզի դու
բնակվես մեր մեջ»: Ի՞նչ հրաշալի զգա-
ցողություն, ի՞նչ ներքին ծարավ Աստուծո
հետ հաղորդվելու, աստվածայինը նաև երկ-
րավոր դարձնելու և այդպիսով մարդկու-
թյան մեջ սեր ու արդարություն տարա-
ծելու:

Միրելի հավատացյալ քույրեր և եղբայր-
ներ, այսօր, Պայծառակերպության տոնի
առթիվ, իբրև պատասխան մեր աղոթքնե-
րի, Հիսուս վերստին երևում է իր փառքով
մեզ մեր հոգևոր կյանքում: Այն մաքուր ու
զուլալ աղբյուրի ջուրը, որ ճանապարհնե-
րին մեր վրա շաղ է տրվելու, թող երկնա-
ռաք օրհնություն լինի, սրբի ու մաքրի մեզ
և պայծառափոխի մեր կյանքը: Չուրը բա-
րիք է, կյանք է և առատություն: Թող այսօր
պայծառակերպված մեր Տերը՝ Հիսուս Քր-
իստոս, նորոգ կյանք պարգևի մեզ բոլո-
րիս: Թող Վարդավառի տոնը պայծառա-
կերպի հին մարդուն մեր մեջ, ցույց տա
մեզ նոր կյանքով, նոր տեսիլքով ապրելու
ճանապարհը: Մեր դժվարությանց, հուսա-
հատության պահին չտկարանանք, այլ միշտ
վերև նայենք, դեպի Գողգոթա՝ բարձուն-
քը, ուր խաչվեց մեր Տերը, բայց չմեռավ,
այլ նոր կյանք պարգևեց մարդկությանը:

Թող Տիրոջ ողորմությունը և սերը մեզ
հետ լինեն այժմ և հավիտյան հավիտենից,
ամեն: